

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Na osnovu člana 21. tačka 5. Statuta Grada Zenica ("Službene novine Grada Zenica", broj 5/15) i člana 39. Poslovnika Gradskog vijeća („Službene novine Grada Zenica", broj 4/17, 4/20 i 10/21), Gradsko vijeće Zenica, na nastavku 17. sjednice održanom 12. marta 2026. godine, donijelo je

**PROGRAM MJERA
ZA UTROŠAK PODSTICAJNIH SREDSTAVA U OBLASTI POLJOPRIVREDE
U 2026. GODINI**

1. Podaci o Programu

Program mjera za utrošak podsticajnih sredstava u oblasti poljoprivrede u 2026. godini temelji se na osnovu odobrenih sredstava iz Budžeta Grada (u daljnjem tekstu: Grad), a sa pozicije Podsticaji poljoprivrednoj proizvodnji.

2. Realizacija Programa

Podsticaji za ovaj Program se odnose na poljoprivrednu proizvodnju u 2026. godini.

3. Iznos sredstava

1.100.000,00 KM

4. Namjena sredstava

- Podsticaji u primarnoj poljoprivrednoj proizvodnji
- Ostale vrste podsticaja

5. Korisnici Programa

Poljoprivredni proizvođači, zadruge, te fizička i pravna lica upisana u Registar poljoprivrednih gazdinstava i Registar klijenata.

6. Izvor sredstava

Budžet Grada za 2026. godinu: ekonomski kod: 614500-68 Podsticaji poljoprivrednoj proizvodnji.

I UVOD

Članom 26. Zakona o poljoprivredi ("Službene novine FBiH", broj: 88/07, 4/10, 27/12, 7/13 i 82/21) propisano je da jedinice lokalne samouprave mogu osigurati novčane podrške za razvoj poljoprivrede, te u skladu sa istim u Budžetu Grada za 2026. godinu obezbijedena su sredstva u ukupnom iznosu od 1.100.000,00 KM. Na ovaj način se nastavlja kontinuirano izdvajanje budžetskih sredstava za poljoprivredu na području Grada.

Programom mjera utroška podsticajnih sredstava u oblasti poljoprivrede u 2026. godini na području Grada (u nastavku teksta: Program) podstiču se poljoprivredni proizvođači na proizvodnju poljoprivrednih proizvoda za vlastite potrebe kao i za potrebe tržišta, kako bi obezbijedili egzistenciju sebi, svojoj porodici, te ostvarili dodatne prihode.

Prilikom izrade Programa uvažavane su sljedeće činjenice:

1. Kontinuitet podsticajnih mjera i iskustva iz realizacije istih u 2025. godini.
2. Resursni kapaciteti iz oblasti poljoprivrede na području Zenice.
3. Sugestije i prijedlozi poljoprivrednika, poljoprivrednih udruženja i otkupljivača sa područja Grada Zenice.
4. Iznos odobrenih sredstava za ovaj Program iz Budžeta Grada za 2026. godinu.

Specifični ciljevi Programa su:

- povećanje obradivih površina i intenziviranje poljoprivredne proizvodnje,
- stvaranje tržišno orijentisanih poljoprivrednih proizvođača,
- formiranje poljoprivrednih gazdinstava,
- očuvanje i proširenje stočnog fonda,
- olakšavanje samozapošljavanja u poljoprivredi i smanjenje stope nezaposlenosti na području Grada,
- razvoj ruralnih područja.

Po usvajanju ovog Programa, Služba za privredu i gradsku imovinu će putem sredstava javnog informisanja obavijestiti poljoprivrednike o aktuelnim podsticajnim mjerama, kao i kriterijima koji moraju biti ispunjeni da bi podsticajna sredstva bila odobrena.

II OPĆI KRITERIJI

Pravo na dobijanje poticaja u skladu s Programom mjera mogu ostvariti fizička i pravna lica u nastavku teksta podnosioci zahtjeva:

1. Koji imaju zemljište na području Grada Zenice ili graničnim općinama s Gradom Zenica, izuzev pčelara.
2. Podnosioci zahtjeva koji su upisani u Registar poljoprivrednih gazdinstava i Registar klijenata (u daljem tekstu: RPG i RK) u Gradu Zenica do 31.03.2026. godine. Podnosioci zahtjeva koji su upisani do 31.12.2025. godine, moraju imati ažurirane podatke u RPG i RK sa 31.03.2026. godine.

3. Podnosioci zahtjeva koji blagovremeno podnesu zahtjev za podsticaj s potrebnom dokumentacijom i ispune sve propisane kriterije.
4. Zahtjev za jednu ili više vrsta proizvodnje podnosi nosilac poljoprivrednog gazdinstva (za svaku vrstu proizvodnje podnosi poseban zahtjev), a za istu proizvodnju ne može ostvariti podsticaj po dva osnova. Podnošenje zahtjeva se vrši u predviđenim rokovima za svaku vrstu podsticaja. Zahtjev će sadržavati sljedeće podatke: prezime i ime, mjesto stanovanja, telefon, JMB, broj tekućeg računa banke, tačnu vrstu proizvodnje za koju podnosi zahtjev, kao i ostale dokumente koji su predviđeni za svaku pojedinačnu vrstu proizvodnje.
5. Svaki podnosilac zahtjeva će potpisati izjavu o tačnosti podataka na propisanom obrascu. Ukoliko se prilikom kontrole utroška poticajnih sredstava utvrdi da korisnik nije dao tačne podatke, isti će biti isključen iz Programa poticaja Grada u narednih 5 godina.
6. Svi podneseni zahtjevi moraju biti u skladu sa ažuriranim podacima iz RPG i RK (brojem parcele/a, izjavama - ugovoru o korištenju zemljišta, ukoliko nije u vlasništvu podnosioca zahtjeva, površinama pod prijavljenom kulturom i sl.). U Službi za privredu i gradsku imovinu će službeno provjeriti ažuriranje podataka i uporediti ih sa podnesenim zahtjevom.
7. Ispunjavanje kriterija u svakom pojedinačnom slučaju će utvrđivati komisija za podsticaje u poljoprivredi imenovana od strane Gradonačelnika. Nakon provjere dokumentacije, sačinjavanja zapisnika, ukoliko se na terenu ne može uraditi kontrola, komisija na osnovu podnesene dokumentacije obračunava visinu pojedinačnih sredstava za svakog korisnika. Po odobravanju sredstava ista će biti uplaćena na tekući račun korisnika.
8. Podnosioci zahtjeva koji ne ispune propisane kriterije i ne podnesu zahtjeve u propisanom roku biti će pismeno obaviješteni o razlozima zbog kojih su odbijeni.
9. Kontrola na terenu će se vršiti na bazi slučajnih uzoraka u pojedinim oblastima proizvodnje koje zahtijevaju terensku kontrolu.

III IZNOS SREDSTAVA I VRSTA PODSTICAJA

Novčana sredstva koja su odobrena u Budžetu Grada za 2026. godinu za podsticaje poljoprivrednoj proizvodnji iznose 1.100.000,00 KM. Sredstva će biti raspoređena u više oblasti poljoprivrede i druge namjene, u skladu sa Programom, i to u:

- A. Podsticaji u poljoprivrednoj proizvodnji
- B. Kapitalna ulaganja u poljoprivredi
- C. Ostala izdvajanja u poljoprivredi

Odobrena sredstva u gore navedenom iznosu će se utrošiti za sljedeće oblasti na način kako je u nastavku teksta predloženo.

PRIJEDLOG UTROŠKA SREDSTAVA PO OBLASTIMA

NAZIV PODSTICAJA		Planirani iznos sredstava za 2026. godinu (KM)	Rok za podnošenje zahtjeva
A/1	Podsticaj za biljnu proizvodnju	212.000,00	
1.1	Podsticaj u proizvodnji jagodičastog voća	30.000,00	30.10.2026
1.2	Podsticaj u proizvodnji povrća na otvorenom	50.000,00	5.6.2026.
1.3	Podsticaj u proizvodnji povrća za otkup	16.000,00	16.10.2026.
1.4	Podsticaj u proizvodnji krmnog bilja	25.000,00	31.8.2026.
1.5	Podsticaj proizvodnji u zaštićenom prostoru	60.000,00	5.6.2026.
1.6	Podsticaj za jesenju sjetvu žitarica	16.000,00	30.4.2026.
1.7	Podsticaj za održavanje zasada jagodičastog voća koji nisu u organizovanom otkupu	2.000,00	22.5.2026.
1.8	Podsticaj certificiranoj organskoj proizvodnji	4.000,00	22.5.2026.
1.9	Podizanje novih zasada jabučastog, koštičavog i jezgrastog voća	5.000,00	15.5.2026.
1.10	Podsticaj za održavanje zasada jabučastog, koštičavog i jezgrastog voća	4.000,00	1.9.2026.
A/2	Podsticaji za animalnu proizvodnju	668.555,00	
2.1	Podsticaj u proizvodnji kravljeg mlijeka	450.555,00	18.4.- 15.12.2026.
2.2	Podsticaj u ovčarstvu i kozarstvu	63.000,00	30.9.2026.
2.3	Podsticaj u pčelarstvu	80.000,00	10.4.- 29.5.2026.
2.4	Podsticaj proizvođačima konzumnih jaja	30.000,00	31.7.2026.
2.5	Podsticaj za steone junice	15.000,00	30.9.2026.
2.6	Podsticaj za tov junadi	30.000,00	1.10.-1.12.2026.

B	Kapitalna ulaganja u poljoprivredi /finansiranje i sufinansiranje	184.445,00	
B1	Refundacija troškova obaveznih doprinosa (PIO, zdravstveno osiguranje i osiguranje od nezaposlenosti) za registraciju srodne djelatnosti - obrta u poljoprivredi kojima je to osnovna djelatnost	5.000,00	Po objavi Javnog poziva 30 dana
B2	Proširenje proizvodnje u oblasti poljoprivrede	40.000,00	Po objavi Javnog poziva 30 dana
B3	Sufinansiranje nabavke nove mehanizacije, priključaka, aparata i druge opreme u poljoprivredi	100.000,00	Po objavi Javnog poziva 30 dana
B4	Sufinansiranje projekta	34.445,00	Regulisano Sporazumom
B5	Podrška organizatorima Sajma poljoprivrednih proizvoda i preradevina	5.000,00	
C	Ostala izdvajanja	35.000,00	
C1	Ugovorene obaveze prema korisnicima iz prethodnih godina	8.000,00	2026. godina
C2	Rezerva	27.000,00	2026. godina
	UKUPNO	1.100.000,00	

Ukoliko se planirana sredstva po vrstama novčanih podsticaja iz objektivnih razloga u cijelosti ili djelimično ne iskoriste, ista se mogu preusmjeriti s jedne stavke na drugu unutar Programa mjera.

A. PODSTICAJI U POLJOPRIVREDNOJ PROIZVODNJI

A1 BILJNA PROIZVODNJA

A 1.1 Podsticaj u proizvodnji jagodičastog voća

Pravo na podsticaj imaju proizvođači jagodičastog voća koji:

- proizvedu i predaju registrovanom otkupljivaču minimalno 500 kg jagodičastog voća.

Visina podsticaja iznosi:

- max 0,35 KM/kg predatog voća za proizvođače koji su registrovali poljoprivrednu djelatnost kao osnovnu ili dodatnu;
- max 0,30 KM/kg predatog voća za proizvođače podnosiocima zahtjeva koji su registrovali poljoprivrednu djelatnost kao dopunsku;
- max 0,25 KM/kg predatog voća za proizvođače podnosiocima zahtjeva koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Ugovor o otkupu voća (na ime podnosioca zahtjeva) sklopljen s registrovanim otkupljivačem/prerađivačem (original/ovjerena kopija).
2. Otkupne blokove ili potvrdu (na ime podnosioca zahtjeva) za predatu količinu od otkupljivača s kojim je sklopljen ugovor (original ili ovjerena kopija).
3. Kopiju potvrde o otvorenom bankovnom računu.
4. Ovjerenu izjavu o tačnosti podataka.
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 30.10.2026. godine.

Predviđena sredstva: 30.000,00 KM.

A 1.2 Podsticaj u proizvodnji povrća na otvorenom

Podsticaj ostvaruju poljoprivredni proizvođači koji su prijavili proizvodnju jedne ili više povrtlarskih kultura na svojim parcelama:

- minimalno zasijana/zasađena površina od 2 dunuma krompira,
- minimalno po jedan dunum ostalog povrća (luk, mrkva, grah, grašak itd.),
- minimalno 0,5 dunuma luka arpadžika.

Visina podsticaja:

- max 150 KM/dun za proizvođače koji su registrovali poljoprivrednu djelatnost kao osnovnu ili dodatnu;
- max 120 KM/dun za proizvođače koji su registrovali poljoprivrednu djelatnost kao dopunsku;
- max 100 KM/dun za proizvođače koji nemaju registrovanu poljoprivrednu djelatnost;
- max 300 KM/dun za proizvođače luka arpadžika.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijano/zasađeno povrće, ne stariju od jedne godine (original ili ovjerenu kopiju).
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.

4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospelim poreskim obavezama za tekuću godinu (original ili ovjerenu kopiju).
5. Važeći certifikat za organsku proizvodnju (original ili ovjerenu kopiju).

Rok za podnošenje zahtjeva je 5. 6. 2026. godine.

Predviđena sredstva: 50.000,00 KM.

A 1.3 Podsticaj u proizvodnji povrća za otkup

Podsticaj ostvaruju poljoprivredni proizvođači koji su prijavili proizvodnju na svojim parcelama:

- imaju minimalno zasađenu površinu od 1 dunuma povrća,
- proizvedu i predaju registrovanom otkupljivaču proizvedeno povrće.

Visina podsticaja je:

- max 0,25 KM/kg za proizvođače koji su registrovali poljoprivrednu djelatnost kao osnovnu ili dodatnu;
- max 0,20 KM/kg za proizvođače koji su registrovali poljoprivrednu djelatnost kao dopunsku;
- max 0,15 KM/kg za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Ugovor o otkupu povrća (na ime podnosioca zahtjeva) sklopljen s registrovanim otkupljivačem/prerađivačem (original ili ovjerena kopija).
2. Otkupne blokove ili potvrdu (na ime podnosioca zahtjeva) za predatu količinu od otkupljivača s kojim je sklopljen ugovor (original ili ovjerena kopija).
3. Ovjerenu izjavu o tačnosti podataka.
4. Kopiju potvrde o otvorenom bankovnom računu.
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 16.10.2026. godine.

Predviđena sredstva: 16.000,00 KM.

A 1.4 Podsticaj u proizvodnji krmnog bilja

Pravo na podsticaj imaju poljoprivredni proizvođači koji su zasnovali proizvodnju krmnog bilja (silažni kukuruz ili djeteline) i prijavili proizvodnju na svojim parcelama odnosno koji su:

- zasijali na površini od 3 dunuma do 20 dunuma,
- zasijali u 2026. godini na najviše četiri fizički odvojene parcele,

- posjeduju stočni fond (goveda, ovce, koze).

Visina podsticaja je:

- max 120,00 KM/dun za proizvođače koji imaju registrovanu poljoprivrednu djelatnost kao osnovnu ili dodatnu;
- max 90,00 KM/dun za proizvođače koji su registrovali poljoprivrednu djelatnost kao dopunsku;
- max 80,00 KM/dun za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijano krmno bilje, ne stariju od jedne godine (original ili ovjerenu kopiju).
2. Račun za kupljeno sjeme od registrovanog proizvođača sjemenskog materijala ili preduzeća registrovanog za promet sjemenskog materijala na ime podnosioca zahtjeva.
3. Deklaraciju o kvalitetu sjemenskog materijala (kopija).
4. Ovjerenu izjavu o tačnosti podataka.
5. Kopiju potvrde o otvorenom bankovnom računu.
6. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim obavezama za tekuću godinu (original ili ovjerenu kopiju).

Rok za podnošenje zahtjeva je 31. 8. 2026. godine.

Predviđena sredstva: 25.000,00 KM.

A 1.5 Podsticaj proizvodnji u zaštićenom prostoru

Pravo na podsticaj imaju poljoprivredni proizvođači koji se bave proizvodnjom u zaštićenom prostoru i prijavili su proizvodnju na svojim parcelama odnosno:

- imaju plastenike minimalne površine 100 m²,
- imaju proizvodnju u plateniku.

Visina podsticaja je:

- max 2,80 KM/m² platenika za proizvođače koji su registrovali poljoprivrednu djelatnost kao osnovnu ili dodatnu;
- max 2,20 KM/m² za proizvođače koji su registrovali poljoprivrednu djelatnost kao dopunsku;
- max 2,00 KM/m² platenika za proizvođače koji nemaju registrovanu poljoprivrednu djelatnost.

Maksimalna površina koja će se podsticati je 1000 m².

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je postavljen platenik/staklenik, ne stariju od jedne godine (original ili ovjerenu kopiju).
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.

4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 5. 6. 2026. godine.

Predviđena sredstva: 60.000,00 KM.

A 1.6 Podsticaj za jesenju sjetvu žitarica

Pravo na podsticaj imaju poljoprivredni proizvođači koji su:

- zasijali ozime žitarice na površini od 2 do 20 dunuma.

Visina podsticaja je:

- max 120,00 KM/dun za proizvođače koji imaju registrovanu poljoprivrednu djelatnost kao osnovnu ili dodatnu;
- max 90,00 KM/dun za proizvođače koji su registrovali poljoprivrednu djelatnost kao dopunsku;
- max 80,00 KM/dun za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijana ozima žitarica, ne stariju od jedne godine (original ili ovjerenu kopiju).
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 30. 4. 2026. godine.

Planirana sredstva: 16.000,00 KM.

A 1.7 Podsticaj za održavanje zasada jagodičastog voća koji nisu u organizovanom otkupu

Pravo na podsticaj imaju poljoprivredni proizvođači koji imaju zasade jagodičastog voća koje nije u sistemu organizovanog otkupa (aronija, američka borovnica i dr.) na minimalnoj površini od 1 dunuma.

Visina podsticaja je:

- max 150,00 KM/dun za proizvođače koji imaju registrovanu poljoprivrednu djelatnost kao osnovnu ili dodatnu;
- max 130,00 KM/dun za proizvođače koji su registrovali poljoprivrednu djelatnost kao dopunsku;
- max 110,00 KM/dun za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasađeno voće, ne stariju od jedne godine (original ili ovjerenu kopiju).

2. Ovjerenu izjavu o tačnosti podataka.
3. Kopiju potvrde o otvorenom bankovnom računu.
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 22.05.2026. godine.

Predviđena sredstva: 2.000,00 KM.

A 1.8 Podsticaj certificiranoj organskoj proizvodnji

Pravo na podsticaj imaju poljoprivredni proizvođači koji posjeduju certifikat za organsku proizvodnju, a registrovani su kao obrti.

Visina podsticaja je max 1.000,00 KM za proizvođače koji su registrovali poljoprivrednu djelatnost kao osnovnu ili dodatnu.

Uz zahtjev za podsticaj podnosilac treba dostaviti sljedeću dokumentaciju:

1. Važeći certifikat za organsku proizvodnju (original ili ovjerenu kopiju).
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.
4. Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 22. 5. 2026.godine.

Predviđena sredstva: 4.000,00 KM.

A 1.9 Podsticaj za nove zasade jabučastog, jezgrastog i koštičavog voća

Pravo na podsticaj imaju poljoprivredni proizvođači koji su podigli nove zasade voća u periodu od 1. oktobra 2025. godine do 1. maja 2026. godine, a prijavili su proizvodnju na svojim parcelama (podsticati će se površina od 1 do 5 dunuma), odnosno lica koja su:

- zasadila voće na površini od minimalno 1 dunuma do maksimalno 5 dunuma (na najviše dvije fizički odvojene parcele) u gore navedenim rokovima;
- kupila i zasadila po jednom dunumu sljedeći broj sadnica: 100-200 jabuka, 100-150 krušaka, 50-100 šljiva, 50-70 trešanja, 50-70 višanja, 50-70 lješnjaka i 15-25 okalemljenih oraha,
- kupila sadnice od registrovanog proizvođača sadnog materijala ili poljoprivredne apoteke, zadruge i drugih pravnih lica upisanih u registar za promet sjemenskog materijala.

Visina podsticaja iznosi:

- max 60% iznosa plaćenog za kupovinu sadnog materijala za proizvođače koji imaju registrovanu poljoprivrednu djelatnost;
- max 40% iznosa za kupljene sadnice za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasađeno voće, ne stariju od jedne godine (original ili ovjerenu kopiju).
2. Račun o nabavci sadnog materijala (ovjeren na ime kupca), a za sadnice koje nisu kupljene u rasadniku, dostaviti i račun direktnog kupca iz rasadnika (poljoprivredne apoteke, zadruge i druga pravna lica upisana u registar za promet sjemenskog materijala) koji povezuje prodavca i rasadnik.
3. Certifikat o kvalitetu i zdravstvenoj ispravnosti sadnica (ovjeren pečatom rasadnika), a za uvezeni sadni materijal Izvještaj o kvalitetu izdat od ovlaštene institucije.
4. Ovjerenu izjavu o tačnosti podataka.
5. Kopiju potvrde o otvorenom bankovnom računu.
6. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospelim poreskim obavezama za prethodnu godinu.

Rok za podnošenje zahtjeva je 15. 5. 2026. godine.

Predviđena sredstva: 5.000,00 KM.

A 1.10 Podsticaj za održavanje zasada jabučastog, koštičavog i jezgrastog voća

Pravo na podsticaj imaju poljoprivredni proizvođači koji:

- imaju zasade jabučastog, koštičavog i jezgrastog voća na površini od 2 do 5 dunuma,
- održavaju iste provodeći neophodne agrotehničke mjere i pomotehničke mjere u voćnjaku.

Visina podsticaja je:

- max 150,00 KM/dun za proizvođače koji imaju registrovanu poljoprivrednu djelatnost kao osnovnu ili dodatnu;
- max 130,00 KM/dun za proizvođače koji su registrovali poljoprivrednu djelatnost kao dopunsku;
- max 110,00 KM/dun za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasađeno voće, ne stariju od jedne godine (original ili ovjerena kopija).
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospelim poreskim obavezama za prethodnu godinu.

Rok za podnošenje zahtjeva je 1. 9. 2026. godine.

Predviđena sredstva: 4.000,00 KM.

A2 ANIMALNA PROIZVODNJA

A 2.1 Podsticaj u proizvodnji kravljeg mlijeka

Pravo na podsticaj imaju proizvođači mlijeka:

- koji imaju potpisan važeći Ugovor o otkupu mlijeka za 2026. godinu sa registrovanim otkupljivačem mlijeka i predaju preko 500 l po kvartalu,
- čije su krave obilježene ušnim markicama i imaju mliječne kartone,
- čije krave su ispitane od strane ovlaštene veterinarske stanice na zarazne bolesti.

Za ovu proizvodnju podsticaji će se isplaćivati kvartalno i to za I, II, III kvartal te oktobar i novembar 2026. godine kao i decembar 2025. godine iz Programa za 2026. godinu, dok će se podsticaj za proizvodnju mlijeka za decembar 2026. godine isplatiti iz Programa za 2027. godinu.

Visina podsticaja je:

- max 0,20 KM/l za proizvođače koji su registrovali poljoprivrednu djelatnost kao osnovnu ili dodatnu;
- max 0,17 KM/l za proizvođače koji su registrovali poljoprivrednu djelatnost kao dopunsku;
- max 0,15 KM/l za proizvođače koji nemaju registrovanu poljoprivrednu djelatnost.

Uz zahtjev za podsticaj u I kvartalu podnosilac treba dostaviti sljedeću dokumentaciju kao i podnosilac koji prvi put podnosi zahtjev za podsticaj neovisno za koji kvartal ili mjesec u 2026. godini:

1. Dokaz o ispitivanju grla na zarazne bolesti – Prilog V (ovjerena kopija).
2. Važeći Ugovor o otkupu mlijeka s registrovanim otkupljivačem (kopija).
3. Ovjerenu izjavu o tačnosti podataka.
4. Kopiju potvrde o otvorenom bankovnom računu.
5. Potvrdu o otkupljenoj količini mlijeka po kvartalima izdatu od registrovanog otkupljivača svježeg kravljeg mlijeka.
6. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Podnosioci koji su predali urednu gore navedenu dokumentaciju, u narednim kvartalima kao i za mjesece oktobar i novembar dostavljaju samo ovjerenu potvrdu o otkupljenoj količini mlijeka.

Rok za podnošenja zahtjeva je:

- za decembar 2025. godine i I kvartal 2026. godine do 18. 4. 2026. godine
- za II kvartal 2026. godine do 20. 7. 2026. godine
- za III kvartal 2026. godine do 19. 10. 2026. godine
- za oktobar i novembar 2026. godine do 15. 12. 2026. godine

Predviđena sredstva: 450.555,00 KM.

A 2.2 Podsticaj u ovčarstvu i kozarstvu

Pravo na podsticaj imaju proizvođači koji se bave ovom granom stočarstva i to:

- na stado 50-250 ovaca ili 25-100 koza, uz napomenu da će se podsticaj isplaćivati za maksimalno 250 ovaca,
- za obnovu stočnog fonda ostave 30% (od ukupnog broja matičnog stada) ženskih jagnjadi.

Visina podsticaja u ovčarstvu je:

- max 15,00 KM/grlu za podnosiocce zahtjeva koji su registrovali poljoprivrednu djelatnost kao osnovnu ili dodatnu;
- max 13,00 KM/grlu za podnosiocce zahtjeva koji su registrovali poljoprivrednu djelatnost kao dopunsku;
- max 12,00 KM/grlu za podnosiocce zahtjeva koji nisu registrovali poljoprivrednu djelatnost.

Visina podsticaja u kozarstvu:

- max 26,00 KM/muznoj kozi za podnosiocce zahtjeva koji su registrovali poljoprivrednu djelatnost;
- max 24,00 KM/muznoj kozi za podnosiocce zahtjeva koji su registrovali poljoprivrednu djelatnost kao dopunsku;
- max 22,00 KM/muznoj kozi za podnosiocce zahtjeva koji nisu registrovali poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Potvrdu da su sva grla iz stada obilježena i upisana u jedinstveni Registar domaćih životinja u skladu sa Pravilnikom o obilježavanju životinja za grla označena u tekućoj godini (ovjerena kopija).
2. Potvrdu da su jagnjad/jarići vakcinisani protiv bruceloze (ovjerena kopija).
3. Ovjerenu izjavu o tačnosti podataka.
4. Kopiju potvrde o otvorenom bankovnom računu.
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 30. 9. 2026. godine.

Predviđena sredstva: 63.000,00 KM.

A 2.3 Podsticaji u pčelarstvu

Pravo na podsticaj imaju pčelari koji:

- posjeduju od 15 do 100 košnica,
- su registrovani u jednom od udruženja pčelara Grada.

Visina podsticaja:

- max 15,00 KM po košnici za podnosiocce zahtjeva koji su registrovali poljoprivrednu djelatnost kao osnovnu ili dodatnu;
- max 13,00 KM po košnici za podnosiocce zahtjeva koji su registrovali poljoprivrednu djelatnost kao dopunsku;
- max 12,00 KM po košnici za podnosiocce zahtjeva koji nisu registrovali poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Originalnu potvrdu izdatu od strane Udruženja pčelara kojom se potvrđuje da je podnosilac zahtjeva član Udruženja.
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerena kopija).
5. Veterinarsku potvrdu od nadležne veterinarske stanice o broju košnica i zdravstvenoj ispravnosti pčela/kopija za tekuću godinu.
6. Pčelari čije se pčele nalaze na teritoriji druge općine/opštine, prilažu ovjerenu kopiju rješenja o odobrenju za smještaj pčelinjaka, a ukoliko se nalazi na vlastitom zemljištu Posjedovni list (original ili ovjerena kopija).

Rok za podnošenje zahtjeva je 10.4 -29.5.2026. godine.

Predviđena sredstva: 80.000,00 KM.

A 2.4 Podsticaj proizvođačima konzumnih jaja

Pravo na podsticaj imaju proizvođači koji:

- imaju registrovanu srodnu djelatnost – obrt u poljoprivredi kao osnovnu djelatnost;
- imaju min 500 koka nosilica.

Visina podsticaja iznosi:

- 3,00 KM/koki nosilici, a podsticaj će se isplaćivati za max 3000 koka nosilica.

Uz zahtjev za podsticaj podnosilac treba dostaviti sljedeću dokumentaciju:

1. Kopiju rješenja o dodjeli veterinarskog kontrolnog broja (ovjerena kopija).
2. Kopiju rješenja o registraciji obrta (ovjerena kopija).
3. Ovjerenu izjavu o tačnosti podataka.
4. Kopiju potvrde o otvorenom bankovnom računu.
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 31. 7. 2026. godine.

Predviđena sredstva: 30.000,00 KM.

A 2.5. Podsticaj za steone junice

Pravo na podsticaj imaju poljoprivredni proizvođači koji su RPG i RK sa 31.3.2025. godine prijavili minimalno 2 junice starosti 12-24 mjeseca.

Visina podsticaja:

- 200,00 KM za podnosiocje zahtjeva koji su registrovali poljoprivrednu djelatnost kao osnovnu ili dodatnu;

-150,00 KM za podnosiocje zahtjeva koji nisu registrovali poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Dokaz o ispitivanju grla na zarazne bolesti – Prilog V (ovjerena kopija).
2. Kopija pasoša (neovjerena).
3. Ovjerenu izjavu da će junice zadržati najmanje 24 mjeseca po dobijanju podsticajnih sredstava.
4. Kopiju potvrde o otvorenom bankovnom računu.
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu.

Rok za podnošenje zahtjeva je 30. 9. 2026. godine.

Predviđena sredstva: 15.000,00 KM

A 2.6. Podsticaj za tov junadi

Pravo na podsticaj imaju poljoprivredni proizvođači koji su RPG i RK sa 31. 3. 2025. godine prijavili minimalno 2 junadi (muških ili ženskih) starosti 3-12 mjeseci.

Visina podsticaja:

- maksimalno 300,00 KM za podnosiocje zahtjeva koji su registrovali poljoprivrednu djelatnost kao osnovnu ili dodatnu;

- maksimalno 200,00 KM za podnosiocje zahtjeva koji nisu registrovali poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Dokaz o ispitivanju grla na zarazne bolesti – Prilog V (ovjerena kopija).
2. Kopija pasoša (neovjerena).
3. Kopiju potvrde o otvorenom bankovnom računu.
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu.

Rok za podnošenje zahtjeva je 1.10.- 1.12.2026. godine.

Predviđena sredstva: 30.000,00 KM.

B. SUFINANSIRANJE KAPITALNIH ULAGANJA U POLJOPRIVREDI

B 1 Refundacija troškova obaveznih doprinosa (PIO, zdravstveno osiguranje i osiguranje od nezaposlenosti) za registraciju srodne djelatnosti - obrta u poljoprivredi kojima je to osnovna djelatnost

Podsticaj za samozapošljavanje u poljoprivredi kroz refundaciju gore navedenih doprinosa će se realizovati u naredne tri godine tako da se za novoregistrovane (u 2026. godini) gore navedeni troškovi refundiraju u iznosu od 100%, u drugoj godini 50% i trećoj godini 25% od ukupnog iznosa.

Podnosioci zahtjeva moraju biti upisani u Registar poljoprivrednih gazdinstava i Registar klijenata kao nosioci i posjedovati minimalno jednu od navedenih vrsta životinja ili se baviti jednom od navedenih proizvodnji:

- minimalno 2 muzne krave,
- minimalno 5 grla tovnih junadi,
- minimalno 50 ovaca,
- minimalno 25 koza,
- minimalno 5.000 tovnih pilića,
- minimalno 500 koka nosilica,
- minimalno 5 rasplodnih krmača,
- minimalno 30 tovnih prasadi,
- minimalno 30 pčelinjih društava,
- minimalno 200 m² plastenika ili staklenika,
- minimalno 2 dunuma pod jagodičastim voćem,
- minimalno 3 dunuma intenzivnih zasada visokostablašica (jabučasto, koštičavo i jezgrasto voće).

Uz zahtjev za podsticaj podnosilac treba dostaviti sljedeću dokumentaciju:

1. Ovjerenu kopiju Rješenja o registraciji djelatnosti-poljoprivreda (osnovna djelatnost).
2. Uvjerenje da pravni subjekat nema neizmirenih obaveza po osnovu poreza i doprinosa (original ili ovjerenu kopiju) za tekuću godinu.
3. Ovjerenu izjavu podnosioca zahtjeva da će nakon potpisivanja Ugovora registrovanu djelatnost održavati u trajanju od najmanje 36 mjeseci.
4. Obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku-Kantonalni ured Zenica).
5. Potvrdu o otvorenom aktivnom računu.

Grad će s odabranim podnosiocima zahtjeva potpisati ugovore kojima će biti regulisani međusobni odnosi.

Troškovi ovih doprinosa će biti uplaćivani sukcesivno na kraju svakog mjeseca nakon dostavljenog obrasca na kojem su vidljive uplate obaveznih doprinosa.

Rok za podnošenje prijava je 30 dana od objavljivanja Javnog poziva.

Predviđena sredstva: 5.000,00 KM.

B 2 Proširenje proizvodnje u oblasti poljoprivrede

Ovim sredstvima predviđeno je finansiranje proširenja poljoprivredne proizvodnje za fizička lica koja imaju registrovanu poljoprivrednu djelatnost kao osnovno ili dodatno zanimanje po Zakonu o obrtu i srodnim djelatnostima.

Podsticajna sredstva po korisniku iznose maksimalno 4.000,00 KM. Odobrena novčana sredstva se mogu utrošiti za nabavku životinja, plastenika i sadnog materijala. Korisnici ovih sredstava mogu biti samo registrovani obrti kojima ova sredstva nisu odobrena i dodijeljena u prethodne tri godine.

Podnosioci zahtjeva moraju biti upisani u Registar poljoprivrednih gazdinstava i Registar klijenata i posjedovati minimalno jednu od navedenih vrsta životinja ili se baviti jednom od navedenih proizvodnji u skladu sa Rješenjem o registraciji djelatnosti i razvrstavanju djelatnosti prema Klasifikaciji djelatnosti:

- minimalno 2 muzne krave,
- minimalno 5 grla tovnih junadi,
- 50-100 ovaca,
- minimalno 25 koza,
- minimalno 5.000 tovnih pilića,
- minimalno 500 koka nosilica,
- minimalno 5 rasplodnih krmača,
- minimalno 30 tovnih prasadi,
- minimalno 200 m² plastenika ili staklenika,
- minimalno 2 dunuma pod jagodičastim voćem,
- minimalno 3 dunuma intenzivnih zasada visokostablašica (jabučasto, koštičavo i jezgrasto voće),
- maksimalno 100 pčelinjih društava.

Uz zahtjev za podsticaj podnosilac treba dostaviti sljedeću dokumentaciju:

1. Ovjerenu kopiju Rješenja o registraciji djelatnosti-poljoprivreda (osnovna ili dodatna djelatnost).
2. Uvjerenje da pravni subjekat (Farma, Obrt, itd.) nema neizmirenih obaveza po osnovu poreza i doprinosa – (orginal ili ovjerenu kopiju) za tekuću godinu.
3. Ovjerenu izjavu podnosioca zahtjeva da će odobrena novčana sredstva namjenski utrošiti i registrovanu djelatnost održavati minimalno 24 mjeseca.
4. Predračun/ račun o nabavci (kupovini).
5. Obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku-Kantonalni ured Zenica).
6. Potvrdu o otvorenom aktivnom računu.

Grad će sa odabranim podnosiocima zahtjeva potpisati ugovore u kojima će biti regulisana međusobna prava i obaveze.

Jedan poljoprivredni proizvođač može biti korisnik samo jednog podsticaja, pozicije B1 ili B2 (zadnje tri godine).

Rok za podnošenje zahtjeva je 30 dana od objavljivanja Javnog poziva.

Predviđena sredstva: 40.000,00 KM.

B 3 Sufinansiranje nabavke nove mehanizacije, priključaka, aparata i druge opreme u poljoprivredi

Pravo na korištenje ovih sredstava će imati poljoprivredni proizvođači koji nabave ili su nabavili dolje navedenu opremu u periodu od 7. 7. 2025. do dana podnošenja zahtjeva, a da:

- podnosioci zahtjeva niti članovi domaćinstva nisu koristili ovu vrstu podsticaja od Grada Zenice u 2025. godini, osim onih koji su dobili sredstva za nabavku traktora i motokultivatora, a nabavili su ili planiraju nabaviti priključne uređaje za iste.
- imaju mjesečna primanja po članu domaćinstva do 1.200,00 KM.

Dolje navedena mehanizacija i oprema će se sufinansirati:

1. Traktori, motokultivatori, balirke za sijeno, samohodne kosačice, kopačice, freze, utovarivač za stajnjak (samohodni ili priključni) i drugi uređaji i priključci koji se koriste u poljoprivredi:
 - u iznosu do 60% vrijednosti nabavljene mehanizacije i priključaka (maksimalan iznos podsticaja je do 5.000,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu. Podnosiocima zahtjeva koji su dobili sredstva za sufinansiranje kupovine traktora i motokultivatora u periodu od 2020. do 2025. godine neće biti odobrena sredstva za kupovinu istih,
 - u iznosu do 40% vrijednosti nabavljene mehanizacije i priključaka (maksimalan iznos podsticaja je do 3.000,00 KM) za poljoprivredne proizvođače koji nisu registrovali poljoprivrednu djelatnost.
2. Aparati za mužu krava:
 - u iznosu do 60% vrijednosti nabavljenog aparata (maksimalni iznos podsticaja je do 600 KM) za poljoprivredne proizvođače koji su registrovali poljoprivrednu djelatnost,
 - u iznosu do 40% vrijednosti nabavljenog aparata (maksimalni iznos podsticaja je do 400 KM) za poljoprivredne proizvođače koji nisu registrovali poljoprivrednu djelatnost.
3. Laktofrizi:
 - u iznosu do 60% vrijednosti laktofriza (maksimalni iznos podsticaja je do 3.000,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
 - u iznosu do 40% vrijednosti laktofriza (maksimalni iznos podsticaja je do 2.000,00 KM) za poljoprivredne proizvođače koji nisu registrovali poljoprivrednu djelatnost.
4. Oprema za navodnjavanje (sistemi kap po kap, kace za akumulaciju vode, pumpe):
 - u iznosu do 60% vrijednosti sistema (maksimalni iznos podsticaja je do 1.000,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
 - u iznosu do 40% vrijednosti sistema (maksimalni iznos podsticaja je do 700,00 KM) za poljoprivredne proizvođače koji nisu registrovali poljoprivrednu djelatnost.

5. Motorne prskalice za zaštitu bilja sa spremnikom:
 - u iznosu do 60% vrijednosti prskalica (maksimalni iznos podsticaja je do 500,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
 - u iznosu do 40% vrijednosti prskalica (maksimalni iznos podsticaja je do 300,00 KM) za poljoprivredne proizvođače koji nisu registrovali poljoprivrednu djelatnost.

6. Oprema u pčelarstvu (vrčaljke, SMS vaga, mješač za pravljenje pčelinjih pogača, el. mlin za mljevenje šećera):
 - u iznosu do 60% vrijednosti nabavljene pčelarske opreme (maksimalni iznos je 2.000,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
 - u iznosu do 40% vrijednosti nabavljene pčelarske opreme (maksimalni iznos podsticaja je do 1.300,00 KM) za poljoprivredne proizvođače koji nisu registrovali poljoprivrednu djelatnost.

7. Sušnice za voće, povrće i ljekobilje, sortirke, sirarski kalupi, pakirke za voće, povrće i ljekobilje, hladnjače (panel i rashladni uređaji), mlin za mljevenje voća, pasterizator, pasirka za voće:
 - u iznosu do 60% od vrijednosti navedenih uređaja (maksimalni iznos je do 1.500,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
 - u iznosu do 40% od vrijednosti navedenih uređaja (maksimalni iznos podsticaja je do 900,00 KM) za poljoprivredne proizvođače koji nisu registrovali poljoprivrednu djelatnost.

8. UV plastenička folija:
 - u iznosu do 60% vrijednosti nabavljene UV folije za površinu plastenika od 100 m² (maksimalni iznos podsticaja je do 400,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
 - u iznosu do 40% vrijednosti nabavljene UV folije za površinu plastenika od 100 m² (maksimalni iznos podsticaja je do 250 KM) za poljoprivredne proizvođače koji nisu registrovali poljoprivrednu djelatnost.

Podsticaj se može ostvariti samo za jednu od gore navedenih stavki.

Grad će sa odabranim podnosiocima zahtjeva potpisati ugovore kojima će biti regulisana međusobna prava i obaveze.

Mehanizacija, priključci, aparati i druga oprema koja je nabavljena na lizing, polovna ili putem komisije prodaje neće se uzimati u razmatranje i zahtjev će biti odbijen.

Uz zahtjev za podsticaj podnosilac treba dostaviti sljedeću dokumentaciju:

1. Ovjerenu kopiju Rješenja o registraciji (za registrovane obrte) za navedenu djelatnost;

2. Račun ili predračun o nabavci na ime podnosioca zahtjeva s fiskalnim računom (račun) za kupljenu mehanizaciju, priključke, aparate i drugu opremu (član 107. Pravilnika o primjeni Zakona o porezu na dodatu vrijednost „Službeni glasnik BiH“, br. 93/05, 21/06, 60/06, 6/07, 100/07, 35/08, 65/10, 85/17, 44/20, 47/22, 87/22, 62/23 i 25/25), (original ili ovjerena kopija),
3. Ovjerenu izjavu podnosioca zahtjeva da nabavljena mehanizacija, priključci, aparati i druga oprema u poljoprivredi neće biti prodana ili otuđena u periodu od 2 godine od trenutka dobijanja podsticaja,
4. Ovjerenu kućnu listu,
5. Za sve punoljetne članove domaćinstva dokaze o mjesečnim primanjima zadnja tri mjeseca, (za registrovane obrte obrasci 2002, zaposlene -platna lista, penzionere čekove od penzije) potvrdu zavoda za zapošljavanje ili potvrdu o školovanju, a koji nisu na evidenciji zavoda za zapošljavanje kopiju zdravstvene knjižice (orginal ili ovjerena kopija),
6. Potvrdu o otvorenom aktivnom računu,
7. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospeljelim poreskim obavezama za tekuću godinu (original ili ovjerena kopija).

Rok za podnošenje zahtjeva je 30 dana od dana objavljivanja Javnog poziva.

Predviđena sredstva: 100.000,00 KM.

B 4 Sufinansiranje projekata iz oblasti poljoprivrede

Nevladina organizacija Muslim Aid Association, Grad Zenica i Udruženja pčelara „API-ZE“ Zenica, „PČELA“ Nemila i „EKO PČELA“ Zenica su iskazali interes za realizaciju projekta „Pčelarstvo i ruralni razvoj“. Ukupna vrijednost projekta je **156.500,00 KM**, od čega Grad Zenica sufinansira **69.000,00 KM**, Muslim Aid **78.000,00 KM**, a krajnji korisnici **9.500,00 KM**. Projektom je dodijeljeno 10 start up paketa za korisnika početnika/pčelara i to pčelinja društva i kompletna oprema za bavljenje pčelarstvom. Pored toga, udruženja pčelara će dobiti grant sredstva u iznosu od 30.000,00 KM za nabavku namjenske opreme za sve članove udruženja. Planirana su i sredstva za iskusne pčelare u iznosu od 1.000,00 KM uz sufinansiranje za nabavku opreme (ukupno 21.000,00 KM). Ostale aktivnosti koje su planirane ovim Projektom definisane su Sporazumom kao i obaveze i odgovornosti svih zainteresovanih strana. Projekat se realizuje tokom 2025. i 2026. godine, a Grad Zenica svoj iznos uplaćuje u 2 tranše - prvu u 2025. godini, a drugu u 2026. godini. Tokom 2026. godine realizovati će se nabavka opreme za udruženja i dodjela grant sredstava za iskusne pčelare.

Predviđena sredstva: 34.445,00 KM.

B 5 Podrška organizatorima Sajma poljoprivrednih proizvoda i preradevina

Za ovu vrstu podrške organizatorima sajmova neophodno je da isti omoguće besplatno korištenje stolova za poljoprivredne proizvođače sa područja Grada Zenica.

Predviđena sredstva: 5.000,00 KM.

C OSTALA IZDVAJANJA U POLJOPRIVREDI

C 1 Ugovorene obaveze prema korisnicima iz prethodnih godina

U skladu sa potpisanim ugovorima o realizaciji podsticaja za refundaciju troškova obaveza doprinosa (PIO, zdravstveno osiguranje i osiguranje od nezaposlenosti) za registraciju poljoprivredne djelatnosti, obaveza Grada je da registrovanim poljoprivrednim proizvođačima iz 2024. i 2025. godine refundira obaveze za period od tri godine. Sredstva iz ove tačke će se isplatiti i po drugim preuzetim obavezama koje se nisu iz objektivnih razloga realizovale do kraja prethodne godine, te obavezama prema ugovorima iz prethodnih godina.

Predviđena sredstva: 8.000,00 KM.

C2 Rezerva

Sredstva rezervi će se koristiti za hitne i nepredviđene zahtjeve koji se pojave tokom budžetske godine ili iz drugih opravdanih razloga. Komisija za kontrolu podsticaja će provjeriti dokumentaciju koja će biti priložena uz zahtjev o čijem utrošku će zaključak donositi Gradonačelnik.

Predviđena sredstva: 27.000,00 KM.

STUPANJE NA SNAGU

Ovaj Program stupa na snagu danom donošenja, a biti će objavljen u „Službenim novinama Grada Zenica“.

Broj: 01-45-6055 /26
Zenica, 12. 3. 2026. godine



DOSTAVLJENO:

- 1x Služba za privredu i gradsku imovinu
- 1x Stručna služba Gradskog vijeća i Gradonačelnika
- 1x Službene novine Grada Zenica
- 1x a/a

